



O le auina atu o fesoasoani tau femalagaa'iga i Ausetalia

O le ā le fesoasoani tau femalagaa'iga?

O le fesoasoani tau femalagaa'iga o le fa'aaogā lea e se tagata lona malamalama po'o lona poto masani i mataupu tau femalagaa'iga e fesoasoani ai i le faia o talosaga mo visa po'o isi mataupu e uiga i visa e ala i le:

- saunia, po'o le fesoasoani i le sauniaina o se talosaga mo visa po'o isi pepa aloa'ia
- fautuaina e uiga i se talosaga mo visa po'o se mataupu e uiga i visa.
- tulaga fai ma sui, po'o le sauniaina mo tualumaga i luma o le fa'amasinoga po'o se pulega iloilogā e uiga i se mataupu tau visa.

O le fesoasoani tau femalagaa'iga e le aofia:

- le faia o galuega fa'apitoa e pei o le sauniaina (po'o le fesoasoani i le sauniaina) o se talosaga po'o se isi pepa aloa'ia, fa'ata'ita'iga, o le fa'aatina po'o le lafoina o pepa
- le auina atu o auaunaga fa'aliliu'upu po'o le fa'amatala'upu
- le fautuaina se isi tagata e tataua ona ia faia se talosaga mo se visa
- le fa'asalalauina o fa'amatalaga na faia e se isi tagata, e aunoa ma se fa'amatalaga po'o se fa'amalamalama loloto i na fa'amatalaga.

O ai e mafai ona tu'uina atu le fesoasoani tau femalagaa'iga i Ausetalia?

Na'o tagata ua lesitalaina o ni sui i mataupu tau femalagaa'iga, loia i Ausetalia, po'o se tagata e tu'usaunoa, e mafai ona tu'uina atu le fesoasoani tau femalagaa'iga fa'aletulafono i Ausetalia.

Sui o mataupu tau femalagaa'iga ua lesitalaina.

E tataua i sui o mataupu tau femalagaa'iga ua lesitalaina ona ausia ni tulaga fa'apitoa i le poto ma le amio lelei ina ia mafai ona fa'aulufaleina i le Lisi o Sui Fa'atagaina mo Femalagaa'iga, lea e maua i luga o le upega tafa'ilagi a le Office of the Migration Agents Registration Authority (OMARA) www.mara.gov.au

Loiafa'aletulafono

O le loia fa'aletulafono o se loia e umia se tasi fa'atagaina e fa'atino ai galuega fa'aloia i Ausetalia. E mafai e loia fa'aletulafono ona tu'uina atu le fesoasoani tau femalagaa'iga i le fa'atino o a latou galuega fa'aloia.

Tagata ua tu'usaunoa

E mafai e se tagata ona tu'uina atu le fesoasoani fa'aletulafono tau femalagaa'iga pe afai e le tu'uina atu se tau mo le fesoasoani, ma o ia o se tasi o i latou nei:

- se tagata ua filifilia, se tagata lagolago po'o se aiga o le tagata o lo'o talosaga mo le visa
- se sui o le Palemene, se sui o se ofisa fa'avaomalo, se ofisa o le malo i fafo, po'o se fa'alapotopotoga fa'avaomalo.
- se tagata o lo'o fesoasoani fua i le sauniaina o se fa'atalanoaga mo le Minisita.

Nisi o fa'amatalaga

Mo nisi fa'amatalaga e uiga i ē e mafai ona fesoasoani i mataupu tau femalagaa'iga i Ausetalia, e aofia ai le auala e lipotia ai ni popolega e uiga ia i latou o lo'o tu'uina atu fesoasoani tau femalagaa'iga, fa'amolemole asiasi i le itulau a le Department of Home Affairs ['Who can help you with your application?'](#).

Sui o A'oa'oga

O sui o a'oa'oga e le o ni tagata tu'usaunoa ma e le mafai ona tu'uina atu se fesoasoani tau femalagaa'iga fa'aletulafono i Ausetalia, sei vaganā ua avea i latou ma sui i mataupu tau femalagaa'iga ua lesitalaina po'o ni loia.

Fa'asalaga mo le tu'uina atu o fesoasoani le fa'atulafonoina tau femalagaa'iga.

O se solitulafono le fesoasoani o se tagata i mataupu tau femalagaa'iga i Ausetalia pe afai e le o ia o se sui faufautua i mataupu tau femalagaa'iga ua lesitalaina, se loia, po'o se tagata tu'usaunoa.

O le fa'asalaga mo le tu'uina atu o fesoasoani tau femalagaa'iga e aunoa ma le fa'atagaga e mafai ona o'o atu i le 10 tausaga i le falepuipui.

Lipotiina o fesoasoani tau femalagaa'i e lē'i fa'atulafonoina

So'o se tagata e tu'uina atu fesoasoani tau femalagaa'iga e lē tusa ma le tulafono i Ausetalia e tataua ona lipotia e ala i le [Border Watch Online Report](#) i luga o le upega tafa'ilagi a le Matagaluega.